


Uebam

GREDELJ-REVOM d.o.o. Dobošnica, u stečaju
Stečajni upravnik
Adil Bašić
e-mail: adilbasic@gmail.com
mobitel: +387 61 019 646



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON

OPĆINSKI SUD U TUZLI
(na broj: 32 0 St 391726 20 St)
TUZLA

PREDMET: Javni oglas o prodaji pokretnih stvari stečajnog dužnika metodom javnog nadmetanja, dostavlja se

Poštovani,

U skladu sa Odlukom Odbora povjerilaca stečajnog dužnika GREDELJ-REVOM d.o.o. Dobošnica, u stečaju, od 24.07.2025 godine, u prilogu ovog dopisa Vam dostavljam Javni oglas o prodaji pokretnih stvari stečajnog dužnika metodom javnog nadmetanja, te Vas molim da isti objavite na Oglasnoj tabli Općinskog suda u Tuzli.

S poštovanjem,

Datum: 29.08.2025. godine



Stečajni upravnik
Adil Bašić



GREDELJ-REVOM d.o.o. Dobošnica, u stečaju
Radnička bb, Lukavac
Broj: 32 0 St 391726 20 St

Na osnovu člana 101., 102. i 103. Zakona o stečajnom postupku („Službene novine FBiH“, broj: 29/3, 32/04 i 42/06), Odluke Odbora povjerilaca od 24.07.2025. godine, te izvršene procjene vrijednosti od strane ovlaštenog procjenitelja, stečajni upravnik dana 29.08.2025. godine objavljuje:

JAVNI OGLAS
radi prodaje pokretnih stvari stečajnog dužnika
metodom javnog nadmetanja

1. PREDMET PRODAJE – četvrta prodaja

1.1. Pokretna imovina:

Manevarska lokomotiva Tipa JW 200, Serije 821 Broj 01, zapremine 12.000 cm³, 200 KS, početne cijene **15.000,00 KM** bez ukalkulisanog PDV-a. Predmet prodaje se nalazi u krugu JP Željeznice F BiH, Prometno-poslovno područje Tuzla, Radionica Dobošnica, Radnička bb, Lukavac. Predmetna imovina je uvezena u Bosnu i Hercegovinu 17.03.2010. godine, te po prestanku obavljanja poslovnih djelatnosti dužnika (u periodu 2013. – 2015. godina) predmet prodaje nije bio u upotrebi. Vidljivi nedostaci su nedostatak baterija i mjernog instrumenta. Stečajni dužnik objavljuje da predmet prodaje iz ove tačke nije testiran u smislu funkcionalnosti.

2. USLOVI I NAČIN PRODAJE

- 2.1. Prodaje se po vrijednosti utvrđenoj Odlukom Odbora povjerilaca od 24.07.2025. godine. Ponuđena cijena ne može biti manja od početne cijene.
- 2.2. Pravo učešća imaju sva pravna i fizička lica, domaća i strana, koja polože **depozit u visini od 10% oglašene cijene do 19.09.2025. godine (petak)**. Prilikom uplate depozita učesnici su obavezni navesti u polje Opis: Depozit za tačku za koju se prijavljuju, primjeri: „Depozit za tačku 1.1.“. Uplata depozita se vrši na račun prodavca Gredelj-Revom d.o.o. Dobošnica, u stečaju, broj: 3060003072525507, otvoren kod Addiko Bank d.d. Sarajevo. U slučaju odustajanja od kupovine depozit se neće vraćati.
- 2.3. Imovina se prodaje po sistemu usmenog javnog nadmetanja, koje će se obaviti pred komisijom za prodaju, te će se istovremeno utvrditi najpovoljniji ponuđač i proglasiti kao izabrani kupac.
- 2.4. Ponuđači su dužni dostaviti **podatke o svom identitetu** (Rješenje o registraciji za pravna lica ili Aktuelni izvod iz sudskog registra za pravna lica i kopiju lične karte za fizička lica), **uz obavezno prisustvo ovlaštenog ili opunomoćenog lica** za zastupanje na prodaji za pravna lica, **notarski ovjerenu izjavu** da će u slučaju izbora za najpovoljnijeg ponuđača preuzeti na sebe obavezu uplate uvećane cijene za PDV i svih drugih obaveza koji su u vezi sa prometom predmetne imovine, te da pokretnu stvar kupuje u viđenom stanju, po principu „viđeno-kupljeno“, tako da se isključuju svi naknadni prigovori i reklamacije.
- 2.5. Ponude se dostavljaju u zatvorenim kovertama, sa naznakom „ZA OGLAS O PRODAJI“, sa pratećim dokumentima iz tačke 2.4. ovog Oglasa, i to na način da se iste predaju lično na dan i u vrijeme zakazane prodaje na adresi: Gredelj Revom d.o.o. Dobošnica, u stečaju, Radnička bb, 75300 Lukavac.
- 2.6. Ročište za razmatranje ponuda će se održati u prostorijama Gredelj Revom d.o.o. Dobošnica, u stečaju, Radnička bb, 75300 Lukavac, dana **24.09.2025. godine (srijeda) sa početkom u 10:30 časova**.
- 2.7. Postupak će voditi komisija koju imenuje stečajni upravnik. Zadatak komisije je da javno otvori prispjelu dokumentaciju, utvrdi da li je ista kompletna, te iz postupka eliminiše ponuđače koje nisu dostavili kompletnu dokumentaciju. Nakon javnog nadmetanja, komisija će proglasiti najuspješnijeg ponuđača rukovodeći se pri tome isključivo ponuđenom cijenom.

- 2.8. Najuspješniji ponuđač, koji bude proglašen pobjednikom, **dužan je uplatiti kupoprodajnu cijenu, koja predstavlja razliku ponuđene cijene i uplaćenog depozita, u roku od 20 dana od dana zaključenja javnog nadmetanja**, u protivnom gubi pravo na položeni depozit.
- 2.9. Ukoliko najuspješniji ponuđač ne uplati kupoprodajnu cijenu u roku od 20 dana, smatrat će se da je isti odustao od kupnje, te će se na zaključenje pozvati sljedeći rangirani ponuđač, uz uslov da ponuđena kupoprodajna cijena nije manja od početne cijene iz ovog javnog poziva.
- 2.10. U slučaju odustanka i drugog ponuđača, pod istim uslovima može se pozvati i treći rangirani ponuđač.
- 2.11. Uspješan ponuđač za predmet iz tačke 1.1. je dužan izvući predmet prodaje sa trenutne lokacije u roku od 30 dana od dana pravosnažnosti Rješenja o dosudi.

Predaja u posjed i slobodno raspolaganje će se izvršiti komisijski **odmah po pravosnažnosti Rješenja o dosudi.**

NAPOMENA:

Imovina, kao i dokumentacija koja uključuje procjenu vrijednosti, se može pogledati svakim radnim danom u vremenu od 10:00 časova do 14:00 časova, uz prethodni dogovor sa stečajnim upravnikom.

Sve ostale informacije mogu se dobiti na telefon: 061/019-646.



Stečajni upravnik